

سيناريو فيلم

فليحيا أبو الفصاد

فيلم روائى قصير

تأليف

حازم مصطفى

منزل تيتة صابرين – غرفة مازن

منزل متوسط الحال , الاثاث بالمنزل قديم الى حد ما وكانه لم يتم
 يتم تغييره منذ عشرات السنين , غرفة مازن لا يمكن تصنيفها
 كغرفة طفل اطلاقا , فالسرير بها هو سرير شخص بالغ وكذلك
 الدولاب هو دولاب ذو ثلاث دلفات , لكن تتبعثر بعض الألعاب
 على أرضية الغرفة بالإضافة الى بعض الرسومات التي رسمها
 مازن .

راديو قديم موضوع على كومدينو وينبعث من الراديو

صوت أغنية :

(كان فى واد اسمه الشاطر عمرو – لعبد المنعم
 مدبولى)

وبعد انتهاء الأغنية يأتي صوت المذيعة .
 ص المذيعة : ولسه حبايبي الحلوين .. معاكم على اذاعتكم اذاعة
 الشرق الاوسط من القاهرة ومستنية مكالماتكم على
 تليفون

مازن (طفل فى السادسة من عمره تقريبا – نحيل جدا – يرتدى
 نظارة طبية وبيجامة كستور مقلمة) يرقد تحت السرير وكانه
 يختبئ من شىء ما او شخص ما , يمك مازن بالهاتف
 الأرضي ويضع السماعة على أذنه , يستمع الى صوت جرس
 الانتظار للحظات ثم ياتيه صوت المذيعة عبر الهاتف فيتحدث
 معها .

ص المذيعة : ومعانا اتصال تليفونى ونتعرف بصديقنا

مازن : انا مازن ..

ص المذيعة : أهلا مازن .. بتسمعا منين

مازن : من الراديو بتاع تيتة صابرين

ص المذبةعة : طيب يامازن تحب تسمع أغنية ايه وبتهديها لمين ؟

مازن : عايز اسمع اغنية عيد الميلاد , علشان أمبارح كان عيد ميلادى

ص المذبةعة : كل سنة وانت طيب ياميزو وعقبال ١٠٠ سنة ,ياللا بسرعة ياميزو قولى بتهدى الاغنية الحلوة لمين علشان

يقولك معنا **happy brithday**

مازن : الأول لبابا وماما فى السعودية , ولخالتو منى وخالو

رفيق وسارة وأيمن صحابى ..ووو ..وبس

ص المذبةعة : وبس يامازن ؟ ... مش عايز تهدى الاغنية لحد كمان ..

مش عايز تهدى الاغنية لتيتة صابرين؟

مازن : لا .. لا .. تيتة صابرين لا

يظهر الغضب على وجه مازن , فيتحدث بانفعال

قـطـع

منزل تيتة صابرين – الصالون (بداية فلاش باك)

غرفة الصالون معلق على حوائطها عدد كبير جدا من براويز الصور الشخصية بكافة الأحجام لأشخاص يبدو انهم أفراد عائلة الجدة صابرين ومن ضمن الصور , ثلاث براويز لصور زفاف أحد تلك البراويز الثلاث هي لزفاف الجدة صابرين , وبرواز آخر لأم مازن , اما البرواز الثالث فيرجع لمنى أبنة صابرين .
 طقم صالون مذهب قديم , جميع الكراسي به وضعت فوقها البياضات يتوسطه كنبه عريضة تجلس عليها تيتة صابرين (سيدة في الخمسين من عمرها تقريبا - ترتدى جلباب بيت غير مهندم وتضع نظارة طبية على وجهها) تشاهد احد برامج الطبخ على التلفاز , يقوم الشيف في التلفزيون بتحضير صينية مكرونة بشاميل , بينما تتابعه الجدة صابرين بشغف شديد وهي مشغولة في الوقت نفسه بتجهيز بعض (الفاصوليا الخضراء) .
 يدخل مازن ويجلس الى جوار تيتة صابرين

مازن : تيتة .. هو انتى عارفة ان النهاردة عيد ميلادى ؟

صابرين : ايوة .. كل سنة وانت طيب

مازن : طيب حتعمللى ايه فى عيد ميلادى ؟

صابرين : حملك ايه يعنى يامازن ! ... حملك الفاصوليا اللى بتحبها

مازن : بس انا مبيحبهاش

صابرين : دوقها الأول وبعدين ابقى قول بتحبها ولا مبيحبهاش

يظهر الغيظ على وجه مازن ثم ينظر الى صورة زفاف أبيه و امه بينما نسمع صوته وهو مازال يتحدث فى التلفزيون مع برنامج الاطفال

صوت مازن : تيتة صابرين دى ست ظالمة ومفترية , انا مبحباش
ومبحباش الفاصوليا ومبحباش اليوم اللى ماما وبابا
سافروا فيه وخلونى أعيش مع تيتة

قـطـع

السفرة (إستمرار فلاش باك)

يجلس مازن الى السفرة وهو حزين جدا وينبعث من الراديو
صوت اغنية

صوت أغنية : هم النم ياروحى يالا جايالك مم

تدخل تيتة صابرين وهي ممسكة بحلة وطبقين تضع الطبقين
على السفرة , وتفرغ فى كل طبق كمية من الفاصوليا من الحلة ,
ينظر مازن الى الفاصوليا بتأفف شديد ثم يبكى

صوت أغنية : مرة سألت الأستاذ أرنب , ليه مانتش لابس نضارة قال
طول عمرى جميل ومؤدب وباكل من غير ماعمل غارة
مازن : هو ده اكل عيد ميلادى ؟

تمد صابرين يدها الى رف الى جوارها وتسحب شمعة وعلبة
ثقاب وتشعل الشمعة ثم تغرزها فى طبق الفاصوليا الخاص بمازن

صابرين : ولا تزعل يمازن.. يالا حالا بالا بالا حيوا ابو الفصاد

مازن : واللله؟؟

يبكى مازن بغضب , ثم يضرب طبق الفاصوليا ليقعه من فوق
السفرة ثم يقوم غاضبا الى ناحية غرفة وهو مازال يبكى , بينما
صابرين مستمرة فى أكل الفاصوليا والغناء وغير مهتمة لما
يفعله مازن .

قـطـع

غرفة مازن (إستمرار فلاش باك)

يدخل مازن الى الغرفة وهو فى حالة غضب , يجلس فوق سريره
وينمهر فى البكاء , ثم نسمع صوته وهو يتحدث فى الهاتف الى
برنامج الاطفال .

صوت مازن : يارينتى كنت سافرت مع ماما السعودية , ماما هى اللى
بتحبنى لو كنت سافرت معاها كان زمانى دلوقتى بأكل
جاتوه وتورتة وشيكولاتة وبشرب بيببسي , مش زى
تيتة الوحشة اللى عايزة تأكلنى فاصوليا

قـطـع

المطبخ (عودة من الفلاش باك)

تيتة صابرين تفتح الثلاجة وتبحث فيها , فتجد ٣ بيضات فتأخذهم , ثم تنظر اليهم وهي تفكر فتقرر الإكتفاء ببيضة واحدة فتعيد البيضتان الى الثلاجة , ثم تتوجه الى ترابيزة المطبخ وتجلس اليها وتكسر البيضة وتخلطها مع قليل جدا من الدقيق . يدخل مازن وهو يمسح اثار النوم عن عينيه

مازن : هو انتى بتعملى ايه ياتيتة ؟

صابرين : بعملك كيكة عشان عيد ميلادك , على الله يعجبك ونخلص

مازن : تيتة .. ممكن ترسميلى عليها مازنجر ؟

تظهر الفرحة على وجه مازن

صابرين : بلا مازنجر , بلا خيبة .. احمد ربنا انى جعلك كيكة

أصلا أنت عارف البيضة بقت بكام النهاردة ؟

مازن : ياتيتة بس عيد الميلاد مش بيجى غير مرة واحدة بس

فى السنة , لكن البيض موجود طول السنة عادى

يبدأ مازن فى البكاء ويدبب بقدميه على الأرضية

صابرين : يابنى عيد الميلاد ده يعنى سنة راحت من عمرك , وانت

بخيبتك عايز تحتفل بيها

يظهر الغيظ على وجه مازن

صابرين : مانا كان عيد ميلادى من يومين , شفنتى احتفلت بيه ولا

عملت كيكة ؟ , أنا جعلك صينية الكيك دى وتبقى تاكل

منها كل يوم حنة

مازن : مش عايز منك حاجة , ياما تعمليلى تورته عليها

(بغضب) : مازنجر يامتعمليش

تمسك صابرين بالصينية وتفتح الثلاجة وتضعها فيها

صابرين : يبقى احسن برده , اديك وفرت

مازن : انا مش عايز اعيش معاكى , انا حروح عند خالتو منى

يخرج مازن من المطبخ وهو فى حالة غضب ,بينما تنتظر صابرين
بقلق الى حيث خرج ثم تتبعه

قـطـع

غرفة مازن

يمسك مازن بكيس بلاستيكي ويضع فيه ملابسه وأعباه وبعض الرسومات التي قام برسمها , تدخل صابرين وتراقب مايقوم به مازن ويبدو على وجهها القلق

صابرين : طيب خلاص خلاص

مازن : انا حروح عند خالتو منى وهى ترسملى مازنجر على التورته , انا اصلا قلت لك قبل كده عايز مازنجر ومردتيش تجيبهولى انا عايز اروح عند خالتو منى

صابرين : خلاص خلاص .. شكله ايه زفت مازنجر ده وانا ارسمهولك

مازن : اهه

فتح مازن احد الادراج ويخرج رسمة قام برسمها لشخصية مازنجر ويعطيها لتيتة صابرين

صابرين : هو ده مازنجر ؟ ... امرى لله

قـطـع

السفرة

مازن يجلس الى السفرة , تدخل الجدة صابرين وهى تحمل صينية كيك

صابرين : يالا بقا غمض عينيك

يغمض مازن عينيه , فتضع صابرين صينية الكيك أمامه على السفرة , الصينية عبارة عن قطعة محروقة من الكيك هزيلة جدا , مرسوم عليها شخصية مازنجر بشكل سىء جدا , ومغروز فى الصينية شمعة كبيرة

صابرين : فتح عينيك بقا

يفتح مازن عينيه , وما ان يرى شكل الكيك حتى يصعق تماما

مازن : ايه ده ؟

صابرين : عايز ايه تانى ؟ يظهر الأحباط على وجه صابرين

مازن : وهى فىن التورتة اصلا ؟

صابرين : بقولك ايه .. ده اللى عندى , مش عاجبك بقا روح لخالتك

منى خليها تعملك عيد ميلاد أنا مش ناقصة وجع دماغ

مازن : انا مبحبكيش .. مبحبكيش

يظهر الغيظ على وجه مازن , فيصرخ فى وجه جدته

يضرب مازن صينية الكيك بيديه ليسقطها من فوق السفرة ثم يغادر غرفة السفرة , بينما تقف صابرين تتامله وقد امتلات عينيها بالدموع , فتنسحب صابرين ناحية الصالون وهى تبكى دون صوت .

قـطـع

غرفة مازن

يدخل مازن الى غرفته وهو غضبان , يسحب الكيس البلاستيك
الذى وضع فيه ملابسه ثم يخرج من الغرفة .

قـطـع

الصالون

تجلس صابرين على الارىكة ويبدو على وجهها حالة من الحزن ,
يدخل مازن اليها وهو يمسك بالكيس البلاستيكي و مازال فى حالة
الغضب ويتحدث اليها وهو يصرخ فى وجهها

مازن : اتصلى بخالتو منى قوليلها تيجى تاخذنى .

تنظر اليه صابرين نظرة شفقة , ولا ترد عليه

مازن : بقولك اتصلى بخالتو منى دلوقتى , انا مش عايز اقعد
معاكى تانى

صابرين : و انت فاكر انى لما اتصل بخالتك ولا خالك حد يجيى
ويعبرنا

مازن : خالتو قالتلى لما تزهب من تيتة كلمنى وانا اجى اخذك

صابرين : طيب .. التليفون عندك وانت حافظ الرقم , كلمها وقولها
ياخالتو تعالى خدينى , انا زهقت من تيتة , قرفت من
تيتة , علشان تيتة مبتعرفش تعمل تورتة حلوة , وشفها
بقا حتيجى تاخذك ولا لاء

تنفعل صابرين , فتدمع عيناها فتتحدث بانفعال ثم يتحسرج
صوتها وكأنها تحبس البكاء

يهدأ مازن قليلا ويشعر وكأنه قد ارتكب خطأ فادح فيترك كيس
ملابسه على الارض ويقتررب من جدته فى محاولة لإرضائها

صابرين : ٣ سنين محدش كلف خاطره وجه يزورنا ولو صدفة ,
ودلوقتى فاكر ان خالتك ممكن تيجى تاخذك لما تتصل
بيها .. كان غيرك اشطر

تزداد دموع صابرين

يقتررب مازن من جدته اكثر حتى يصبح قريبا جدا من وجهها ,
فيمد يده ويمسح دموعها

مازن : هو انتى بتعيطى علشان قولتلك انى مبحبكيش .. ده أنا
كنت بهزر معاكى ياتيتة ؟

صابرين تمسح دموعها بيديها

صابرين : انا عارفة يا حبيبي , عارفة انك بتحبني وانا كمان بحبك

مازن : انتى بتكذبي عليا ياتيتة , انتى مبحبنيش .. ماهو لو
كنتى بتحبيني كنتى عملتلى عيد ميلاد زى ماكانت ماما
بتعمله

صابرين : مفيش ولد مؤدب بيقول لتيتة انتى كذابة و تيتة مش
كذابة , بس تيتة متعرفش بيعملوا عيد الميلاد ده ازاي
؟ .. اصل من زمان اوى مفيش حد عملى عيد ميلاد
علشان كده انا ماعرفش ..

ينظر مازن الى جدته وكأنه ندم على ما بدر منه , ثم يربت على
كتفها فى إعتذار

مازن : خلاص ياتيتة متزعجيش منى , انا مش عايز التورتة
بتاعة مازنجر خلاص , المهم بس متكونيش زعلانة

صابرين : عمرى ما زعل منك يا حبيبي , انا ماليش غيرك , وانا
حعملك كيكاية تانية حلوة بدل الوحشة دى بس ماتقوليش
تانى انك عايز تروح تعيش عند خالتو منى , اتفقنا ؟

مازن : اتفقنا

تداعب صابرين مازن , ومازن يداعبها ايضا

مزج

غرفة مازن

يجلس مازن فى غرفته مفكرا , يمد يده الى الكومدينو ويمسك برواز به صورة تجمعهم بجذته يتأمل الصورة جيدا , فجأة يقف وكأنما طرأت على ذهنه فكرة , يجثو على ركبتيه وينظر تحت السرير مفتشا عن شيء ما , حتى يجد صندوق كرتونى صغير يحوى داخله بعض أفرع زينة عيد الميلاد , تلمع عينيه فى سعادة , فيجربى ناحية كرسى ويجذبه , يقف فوق الكرسى ليصل بيديه الى فوق الدولاب , فيمد يديه ويسحب حصاله النقود , يجربى ناحية السرير ويفتح الحصاله ويفرغ ما بها ليجد كمية كبيرة من العملات المعدنية , فيشير الى راسه وكأنه يقولى (جاتلى فكرة)

قـطـع

(فوتو مونتاج) المطبخ – غرفة مازن – السفارة

المطبخ

صابرين فى المطبخ تجلس الى ترابيزة المطبخ وامامها مكونات الكيك الصحيحة (٥ بيضات – كوبين من الدقيق – فانيليا – بيكنج بودر – كريم شانتيه) وتمسك فى يدها كتاب للطبخ تقرا فيه لتراجع طريقة التحضير

مزجغرفة مازن

مازن يمسك البرواز الذى به صورته مع جدته ويحاول ان يرسم الصورة على فرخ كرتون ويلونها بالوان الفلوماستر

مزجالسفرة

مازن يقف فى منتصف غرفة السفارة وهو ممسك بالصندوق الورقى الذى يحوى زينة عيد الميلاد ويفكر كيف يبدأ فى فى تعليق الزينة

مزجالمطبخ

صابرين تبدأ فى تحضير كيكة عيد الميلاد حسب وصفة كتاب الطبخ

مزجالسفرة

مازن انتهى من تعليق الزينة بشكل بدائى مناسب لطولة وامكانياته , فيقف وهو ينظر بفخر الى غرفة السفارة المزينة

مزجالمطبخ

الجدة تفتح الفرن وتضع صينية الكيك فيه ويظهر على وجهها السعادة

مزجغرفة مازن

مازن يختبئ تحت السرير ويمسك بالتليفون الارضى ويتحدث من خلاله

قطع

منزل تيتة صابرين – المطبخ

ترابيزة المطبخ موضوع عليها التورتة التي صنعتها صابرين ,
وصابرين تقف الى جوار الترابيزة وتمسك بقلم التزيين وتضع
اللمسات الاخيرة على التورتة , يدخل مازن وينظر اليها في
سرور شديد , فتبادله صابرين أبتسامة السرور

مازن : اقولك حاجة بس متزعليش منى ياتيتة

صابرين : عملت ايه؟؟

مازن : انا فتحت قفل التليفون واتكلمت فيه من وراكى .. طلبت
تورتة من مصروفى اللى محوشه فى الحصالة

صابرين : ليه ياميزو يا حبيبي , مش قولتك حعملك تورتة حلوة
حتعجبك

مازن : يالا بقا خليهم اتنين , ان شاء الله ماعن حد حوش

تضحك صابرين ضحكة مدوية , فيضحك مازن معها

مازن : وكمان وكمان

صابرين : وكمان ايه ؟

مازن : ولا حاجة ولا حاجة

يظهر التوتر على وجه صابرين , ولكن سرعان ماتبتسم صابرين
فيزول التوتر عن وجهها

ق ط ع

غرفة مازن

مازن يجلس فوق السرير , وقد ارتدى ملابس لطيفة (قميص
وبنطلون وصديري مثلا) , الراديو فى الخلفية تنبعث منه اغنية

صوت الاغنية عبر الراديو

وبعد الأغنية يأتى صوت المذيعة

ص المذيعة : ولسه معاكم مستمعينا على اذاعة القاهرة الكبرى
ومستننين مكالماتكم على تليفون ...

مازن يمسك بالهاتف الارضى ويضع السماعة على أذنه
يستمع الى صوت الانتظار , ثم ياتيه صوت المذيعة عبر
الهاتف

ص المذيعة : ومعانا اتصال تليفونى جديد , نتعرف عليك

مازن : انا مازن

ص المذيعة : اهلا بيك يامازن بتسمعنا منين

مازن : من بيت تيتة صابرين

ص المذيعة : قولى يامازن تحب تسمع ايه معانا فى الفترة المفتوحة

مازن : احب أسمع اغنية فليحيا ابو الفصاد .. وبهديها لتيتة

صابرين حبيبتي بمناسبة عيد ميلادها , وبقولها كل سنة
وانتى طيبة ياتيتة

مـزج

المطبخ

صابرين مازالت فى المطبخ تضع اللمسات النهائية على التورتة ,
وتستمع الى صوت الراديو

ص المذبة: واحنا كمان يمازن بنقول لتيتة صابرين عقبال ١٠٠
سنة , وبنهديك الاغنية دى من حفيدك مازن

صابرين ترتبك حينما تسمع اهداء الاغنية فى الراديو , ولكنها
سرعان ماتتمالك أعصابها , فتمسك بالتورتة التى كانت
تحضرها وتخرج الى غرفة مازن

قطع

غرفة مازن

تدخل صابرين الى الغرفة , فيبتسم لها مازن في حب , فتبادلته الأبتسام

يخرج مازن الرسمة التي رسمها من الصورة التي تجمعته بجدته , الرسمة بدائية جدا بشكل يتناسب مع قدرات مازن في الرسم

تختلف الرسمة عن الصورة الاصلية , حيث ان الصورة الاصلية يظهر فيها مازن يجلس الى جوار جدته دون ادنى تعبير , ولكن في اللوحة يظهر مازن وهو يحتضن جدته وجدته تضحك في سعادة

يهدى مازن جدته اللوحة

تنظر صابرين الى اللوحة وتدمع عيناها في فرحة

مازن : كل سنة وانتى طيبة ياتيتة

صابرين : وانت طيب ياقلب تيتة

ق ط ع

غرفة السفرة

غرفة السفرة معلق بها الزينة التي علقها مازن
تدخل صابرين وهي ترتدى ملابس لطيفة (تايير مثلا) وهي
تحمل معها التورتة التي صنعها , التورتة هذه المرة شكلها
متناسق الى حد ما , ولكن رسمة شخصية مازنجر ليست
مرسومة بأحترافية
يتبعها مازن وهو يحمل اللوحة التي رسمها
صابرين تضع التوتة على السفرة ثم تتجه مع مازن الى الحائط
للزق اللوحة التي رسمها وهما فى حالة سعادة
يدق جرس الباب

صوت دق جرس الباب

تتجه صابرين ناحية الباب وتفتحه , لتفاجأ ان من بالباب هم -
منى ابنتها ومعها زوجها واولادها وكذلك رفيق ابنها ومعها
زوجته واولاده , فنظر السعادة على وجه صابرين

يبرز رفيق التورتة التي يحملها

منى ورفيق : كل سنة وانت طيبة ياماما

يغمز مازن الى رفيق فيبادلها رفيق الغمرزة وكأنه يقول له
(كله تمام)

ق ط ع

السفرة

يقف كلا من (منى ورفيق وزوجاتهم واولادهم) ومعهم مازن ,
تدخل صابرين الى غرفة السفرة وتضع التورتة التي اعدتها الى
جوار التورتة التي احضرها مازن , ويصفقون جميعا وهم يغنون

الجميع : يالا حالا بالا بالا هنوا ابو الفصاد .. حيكون عيد ميلاده
الليلة اسعد الاعياد .. فليحيا ابو الفصاد

يقترب كل من مازن وصابرين من التورتات ويطفنون الشموع
فى سعادة بينما يصفق لهم الجميع

تحتضن صابرين مازن , بينما يصفق الجميع

مازن : تيتة .. انا جعان

صابرين : أجبلك فاصوليا ؟

مازن : ياتيتة ماهى التورتة اهه قطعها بقا

تضحك صابرين ويضحك معها الجميع , ثم تبده صابرين فى
تقطيع التورتة وتوزيعها على الجميع .

ق
ط
ع
ال
ن
ه
ا
ي
ة